



NVO Wigwam



Društvo prijatelja
kulturnih i prirodnih
vrijednosti



Društvo prijatelja kulturnih i prirodnih vrijednosti Wigwam



Društvo prijatelja kulturnih i prirodnih vrijednosti - Wigwam iz Sarajeva u Bosni i Hercegovini zvanično djeluje od 26.4.1999 godine, sa sjedištem u ulici Maršala Tita 38 d. u Sarajevu.

Društvo je član Associazione Italiana dei Clubs Wigwam odnosno World Wigwam Organization sa sjedištem u Padovi – Italija (za saznati više www.wigwam.it ; www.wigwam.ba).

Wigwam ideja se začela davne 1972. godine u Padovi u Italiji, slijedeći jednu od najvećih ideja druge polovine dvadesetog stoljeća, a to je ideja svjetske kulturne i prirodne baštine. Donošenjem Konvencije o zaštiti Svjetske kulturne i prirodne baštine, koju je donio UNESCO

svom XVII zasjedanju u Parizu 1972. godine po prvi put su objedinjene kultura i priroda, oblasti koje su do tada smatrane različitim. Konvencija je pošla od pretpostavke da narodi grade svoju kulturu u sredini u kojoj žive i da često ljepote djela ljudskih ruku djelimično duguju i mjestu na kojem su rođene. Grupa tada mladih ljudi je već u tom trenutku smatrala da to nije dovoljno i da je potrebno Konvenciju proširiti i staviti pod zaštitu mnoge svjetske tekovine nematerijalne baštine koje određuju načine života i kvalitetu življenja. UNESCO je (2003) donio Konvenciju o zaštiti svjetske nematerijalne baštine.

Ideja Wigwam je način života sa svim njegovim kulturnim, duhovnim, rekreativnim, sportskim, vaspitnim, proizvodnim, egzistencijalnim potrebama života u skladu sa prirodom. Za svoj znak, koji je međunarodno zaštićen, kreirali su kestenov list sa stilizovanim imenom Wigwam u gornjoj polovini lista. Za način rada Društvo je odabralo klubski javni rad, čiji su članovi amateri i volonteri, ali čije su akcije i projekti po pravilu stručni, za šta se za stručni savjet i stručnu podršku angažiraju odgovarajuće ustanove i pojedinci. Wigwam klubovi su se vremenom proširili u Italiji, a potom u zemljama zapadne Evrope i šire.

Edukacije



Društvo je zajedno sa Turističkom zajednicom općine Centar Sarajevo (2000. godine) bilo organizator edukacije za turističke vodiče/pratioce turističkih putovanja i nadzornike parkova prirode, finansirano od strane fonda EU RED (Projekat 127).

Društvo je bilo organizator kursa (2012) za eko-turističke vodiče, podržan od strane Udruženja/Udruga turističkih agencija u BiH – UTA BiH, Federalnog ministarstva za okoliš i turizam Bosne i Hercegovine, OXFAM Italia, WWF ... Društvo je (2013) osnovalo posebnu poslovnu jedinicu za

edukaciju kadrova u turizmu pod nazivom "Akademija turizma" koja će obuku vršiti u skladu sa važećim EU normama. U tom cilju je dogovorena saradnja na zajedničkom apliciranju na IPA fond (prekogranična saradnja Srb.-BiH) između NVO Wigwam, Privredne komore Kantona Sarajevo i OXFAM Italia sa jedne strane, a sa druge strane YUTA iz Beograda i Privredna komora Užica.

Akademija turizma

Program obrazovanja se bazira na standardu zanimanja Turistički vodič – pratitelj turističkog utovanja, a na osnovu nastavnog plana i programa rađenog po Europskoj normi EN 15565 kojom se prvi put u historiji evropskog turizma jedan dokument bavi pitanjem obrazovanja turističkih vodiča širom Europe. Unutrašnje tržište EU obuhvata područje bez granica koje podrazumijeva slobodu kretanja roba, usluga i kapitala; znači slobodu pružanja usluga turističkih vodiča. Zbog toga je EU izjednačila obrazovanje vodiča na način koji će biti prihvaćen širom Europe, odnosno ispraviti manjkavosti postojećih kvalifikacijskih programa.



Festival sela – Wigwam Trophy



Društvo je od 2001. godine, organizator mnogobrojnih manifestacija, uz dodjelu Wigwam priznanja, pod zajedničkim nazivom "Festival sela – Wigwam Trophy" koje su uvijek bile medijski promovirane u vidu radio, novinskih i tv reportaža i polusatnih tv epizoda. Tako je pokrenuta "vinska cesta" u Hercegovini, poljoprivredni sajam u Buturovića Polju, sajam trešnje u Potocima, sajam jabuke u Goraždu... na kojima je dodjeljeno preko 70 priznanja proizvođačima hrane i pića proizvedenih na tradicionalan način kao i različitim drugim pojedincima, NVO-ima, lokalnim zajednicama, privrednicima... zaslužnim za razvoj turističkih proizvoda u svojim sredinama.



Klubski rad

Više godina u sastavu Društva djelovao je i klub Wigwam Point u ulici Kemal Bega 12. u Sarajevu i Wigwam selo na planini Visočici, u čijim prostorijama su se začele mnoge popularne tv serije od kojih je najpoznatija "Pozitivna geografija" koja je doživila emitovanje preko 300 tv epizoda.

Priznanja

Društvo je nosilac počasne Povelje za sudjelovanje u razvoju regionalne saradnje, demokratije i boljeg okoliša / životne sredine, uključujući podršku aktivnostima Regionalnog centra za okoliš / životnu sredinu Srednje i Istočne Evrope, dodijeljene od strane Ureda Regionalnog centra za okoliš Bosne i Hercegovine – REC BiH, koji je dio The Regional Environmental Center for Central and Eastern Europe sa sjedištem u Budimpešti. Društvo je nosilac priznanja i ovlaštenja izdatog od strane Associazione Italiana dei Clubs Wigwam – World Wigwam Organization iz Padove Italia.

Ciljevi rada Društva

Ciljevi rada Društva su promocija programa koji na ideji rada na očuvanju kulturnih i prirodnih vrijednosti Bosne i Hercegovine u ambijentalnom i ekološkom smislu, kao i u proizvodnji na tradicionalan način vidi mogućnost obnove sela i plasmana proizvoda sela za potrebe gradova i budućeg turizma. Wigwam ideja u tom smislu vrši ulogu veze između tvorca projekata i ekonomskog i profesionalnog dijela svijeta koji želi učestvovati u realiziranju ideje trajnog poboljšavanja kulture življenja i kvalitete života simbolizirane u znaku Wigwam.



ISIC projekat

Projekat ISIC je identifikacioni kartični dokument, jedini na svijetu priznat od UNESCO-a. Kartica se izdaje godišnje i posjeduje je oko 10 miliona korisnika u svijetu. NVO Wigwam je ovlašteni distributer ISIC kartica za teritoriju Bosne i Hercegovine i distribuira tri vrste kartica: Youth za mlade do 26 godina bez obzira na status, Student za studente bez ograničenja godina života i Teacher za nastavnike i profesore. Godišnja kartica u Bosni i Hercegovini košta 12 KM i omogućava u zemlji popuste na željeznicu (30%), avion, smještaj, kupovinu, popust na ulaznice u kulturne institucije...

NVO Wigwam bankama i univerzitetima nudi tzv. co-brand ugovore Wigwam – ISIC – MAESTRO – zainteresirana banka za izdavanje debitne bankovne Student ISIC kartice.

Prezentacija ISIC projekta se dostavlja zainteresiranim stranama (banke, škole, univerziteti...) na njihov zahtjev.

Vidi www.isic.org



Šta su pojedinačni ciljevi ?

Ciljevi rada Društva su u potpunosti saglasni sa preporukama za djelovanje u razvoju eko-turizma koji treba da:

- Pokreće zaštitu prirodnih vrijednosti i bude oslonac zaštićenim područjima. Zaštita prirodnih vrijednosti i biodiverziteta i inventariziranje stanja biljnog i životinjskog svijeta se u Bosni i Hercegovini postavlja kao imperativ, posebno u ovom trenutku. Programska aktivnost u ovoj oblasti je: pokretati akcije za zaštitu spomenika prirode, geoloških ili fiziografskih formacija i zona koje su prebivališta ugroženih vrsta životinja i biljaka, znamenita mjesta prirode, unapređenje okoline i ambijentalnih vrijednosti.
- Sadržava edukacijske i interpretacijske karakteristike. Bitna pretpostavka za stvaranje turističkog proizvoda je stvaranje edukacijske komponente, koja na jednostavan i shvatljiv način interpretira bitne jedinstvene karakteristike područja, proizvoda, usluge... Uz stvaranje «priče», valja izdavati međunarodno priznata ovlaštenja djelatnicima u turizmu u skladu sa EU normama. Osnivanjem „Akademije turizma“ kao ustanove za obrazovanje odraslih, Društvo je krenulo u novu kvalitetnu fazu djelovanja.
- Ohrabruje uključivanje malog lokalnog poslovnog sektora i dostavljača. Važno mjesto u stvaranju turističkog proizvoda imaju prerađivači i poljoprivredni proizvođači u smislu poticanja na razvoj proizvodnje za potrebe ciljanih potrošača (hoteli, moteli, pansioni, restorani...). Identifikacija proizvođača i popis proizvedenih količina, izrada agroturističkih vodiča i dr. potiče stvaranje mreže poljoprivrednih dostavljača i otkupnih stanica. U funkciji ohrabrivanja malog lokalnog poslovnog sektora je osnivanje zadruga i zadružnih mini prodavnica. Veoma važna je promocija svijesti da razvoj turizma doprinosi razvoju ruralnih područja i zaštiti ukomponiranih kulturnih i prirodnih vrijednosti regiona. Na toj liniji su i festivali sela (trešnje, jabuke, grožđa, meda...), ljetne akcije na području općina, a posebno akcije na jačanju veza sela sa gradovima i turističkim kapacitetima koji se izgrađuju na planinama.
- Sadrži tradicionalnu poljoprivredu, prirodne vrijednosti i kulturno naslijeđe. U ovoj preporuci kao pojedinačnom cilju valja vidjeti rad na promociji osnovnih načela ekološke poljoprivrede, kao i poticanje proizvodnje na tradicionalan način. To podrazumijeva rad na identificiranju načina i vrste poljoprivredne proizvodnje tretiranog regiona i njene selekcije na osnovu uočenih potreba, klimatskih i drugih uvjeta potrebnih za poljoprivrednu proizvodnju, poticanje proizvodnje gastronomskih proizvoda sa brandom, kao što su tradicionalno regionalno kuharstvo, suho meso, sirevi, vino, rakije, voćarstvo, ribogojilišta, ljekovito bilje, med, konzervirane šumske gljive i šumski plodovi... u cilju boljeg plasmana i otkupa.
- Zakonska zaštita prirodnih vrijednosti jednom od kategorija zaštite prirode, nesporno jača brand poljoprivrednih proizvoda proizvođača u perifernoj zoni zaštićenog područja. Hrana je elemenat kulturnog naslijeđa i identiteta, kulturna kulturna proizvodnja i tradicija su osnove za buduće standarde proizvodnje, autentičnost i razabiranje ukusa su povratak regionalizaciji nasuprot globalizaciji. Zaštita pejzaža, autohtonih kultura, arhitekture... je bitna za realiziranje ideje poboljšanja stanja okoline.
- Potiče održivi razvoj i veze sa konvencionalnim turizmom. Održivi razvoj podrazumijeva očuvanje okoliša, očuvanje kulturnih i prirodnih vrijednosti u najširem smislu, ali taj razvoj takođe valja da ima za cilj stvaranje turističke ponude kao neophodne veze sa konvencionalnim turizmom mediteranske obale (Neum i obala Dalmacije i južnog Jadrana...), urbanih centara, sakralnim i banjskim turizmom i ponudom zimsko-sportskih centara koji nastaju na planinama Vlašić, Kupres, Jahorina, Bjelašnica-Igman, Čvrsnica...). Poruka je da svi kapaciteti konvencionalnog turizma više koriste proizvode hrane i pića iz Bosne i Hercegovine sa regionalnim brandom, da svoju turističku ponudu stalno obogaćuju programima koji promoviraju kulturne i prirodne vrijednosti svoga okruženja, odnosno programima koji podržavaju vezu sa selom i njegovom ponudom.
- Predsjednik Društva je dugogodišnji djelatnik u turizmu Zoran Bibanović, a predsjednik Skupštine je ekscelencija Nedžad Hadžimusić.



Nedžad S. Hadžimusić

Predsjednik Skupštine

- Ambasador Nedžad S. Hadžimusić danas sa partnerima vodi međunarodnu agenciju "NHTZAR Consultancy: Image & Style & Business Solutions" Ranije, kao karijerni diplomata BiH (i bivše SFRJ), obnašao je i.a. funkciju ambasadora/direktora Centra za sigurnosnu saradnju (RACVIAC) u Zagrebu, na koju je imenovan odlukom Predsjedništva BiH za period 2007/09., sa pozicije pomoćnika ministra za multilateralne odnose MVP-a BiH.
- Koautor je Strategije BiH za integraciju u EU, kao i Sigurnosne strategije BiH. Kopredsjedavao je Državnom delegacijom za NATO i PfP (Partnerstvo za mir NATO), kao i Delegacijom BiH u GRECO (Grupa zemalja u borbi protiv korupcije pod supervizijom Vijeća Evrope). U svojstvu prvog šefa Misije Republike BiH pri EU i NATO u Briselu tokom i nakon prošlog rata, bio je istovremeno i diplomatski predstavnik Republike BiH akreditovan u Vijeću Evrope, Venecijanskoj komisiji, te u Međunarodnom krivičnom sudu za ex-Jugoslaviju (ICTY) i Međunarodnom sudu pravde (ICJ) u Den Haagu.
- Njegove intervjuue i editorijale o sigurnosnim i političko-ekonomskim kretanjima u BiH, regionu i svijetu, objavljivali su bh. i svjetski mediji - BH Dani i Slobodna Bosna, BH Start, te globalni Wall Street Journal, International Herald Tribune, BBC, etc.



Zoran Bibanović

Predsjednik Društva

Dugogodišnji djelatnik u turizmu, specijaliziran na poslovima turističkog posredovanja, organizaciji kulturnih, turističkih i sportskih manifestacija i poslovima međunarodne razmjene omladine i studenata. Prvi i aktuelni predsjednik Udruženja/udruge turističkih/putničkih agencija u Bosni i Hercegovini – UTA BiH, član Odbora za turizam PK KS, predsjednik Društva prijatelja kulturnih i prirodnih vrijednosti – Wigwam iz Sarajeva koje je član Associazione Italiana dei Clubs Wigwam. Autor knjige Turizam -interes Bosne i Hercegovine, mnogobrojnih studija, vodiča, priručnika i kolumni na temu turizma. Direktor konsultantske kuće u turizmu, Wigwam Travel & Consulting d.o.o. iz Sarajeva.

Priznanja:

- Zahvalnica za doprinos i lično angažovanje u organizaciji XIV Zimskih olimpijskih igara Sarajevo '84.
- Specijalno priznanje od EGYPTIAN TRAVEL AGENTS ASSOCIATION for tourism development - 1998
- Počasna Povelja za sudjelovanje u razvoju regionalne saradnje, demokratije i boljeg okoliša/životne sredine, uključujući podršku aktivnostima Regionalnog centra za okoliš/ životnu sredinu Srednje i Istočne Evrope, dodijeljene od strane Ureda Regionalnog centra za okoliš Bosne i Hercegovine - REC BiH. - 2004
- Priznanje "Zahvalnica sa grbom Općine Centar Sarajevo" za poseban doprinos razvoju i očuvanju civilizacijskih vrijednosti, izgradnji i jačanju institucija lokalne zajednice, te njenoj afirmaciji u zemlji i inostranstvu - 2007



Upravni odbor

- Jasmin Duraković- režiser, scenarist, dramski pisac, producent...
- Velid Hodžić – izdavač i restorater
- Kemal Grbo – djelatnik u turizmu
- Nebojša Kovač – djelatnik u kulturi
- Fejlem Kamerić – restorater
- Dragan Mićunović – advokat
- Avdija Serdarević – profesor matematike i direktor Ekonomske škole u Sarajevu
- Mirsad Čatić – vojni profesionalac, scenarist i producent

Nadzorni odbor

- Hidajet Salković – ekonomist u oblasti finansija i knjigovodstva
- Ibrahim Jusufspahić – geolog
- Sretko Žmukić – profesor matematike



Nacionalni akcioni plan za okoliš BiH - NEAP

Društvo je jedina NVO na nivou Bosne i Hercegovine koja je aktivno sudjelovala u izradi Nacrta okvirnog zakona za okoliš/ životnu sredinu BiH i studije izvodljivosti za uspostavljanje agencije za okoliš/životnu sredinu Bosne i Hercegovine. NVO Wigwam je nakon toga bila tehnički organizator posjete delegacije države i entiteta Bosne i Hercegovine, agenciji za okoliš u Rimu (2006).

- Izrada lokalnih ekoloških akcionih planova LEAP (Local Environmental Action Plan), utemeljenog na načelima Agende 21 iz Rio de Janeiro 1992. i Atenske deklaracije iz 1998. godine, Ustava BiH, Ustava FBiH i RS te Nacionalnog ekološkog akcionog plana – NEAP. Izrada lokalnih i regionalnih akcionih planova razvoja turizma TAP (Tourism Action Plan) na osnovu i u skladu sa postojećim strategijama i studijama razvoja turizma u BiH, FBiH i RS.
- Izrada turističkog vodiča (Jedan dan kroz x grad), lovnog, ribolovnog, agri-turističkog... vodiča opštine/općine u cilju boljeg plasmana turističkih, agri-turističkih i drugih proizvoda i usluga lokalnih zajednica.
- Uvođenje turizma kao dodatne djelatnosti stanovnika
- Projektovanje turističke infrastrukture u lokalnoj zajednici (hodački, biciklistički, streličarski, trim... itinereri, eko turistička signalizacija, turističke karte...
- Razvoj partnerskih odnosa svih zainteresiranih strana unutar turističke destinacije (lokalna zajednica, hotelijeri, ugostitelji, proizvođači proizvoda na tradicionalan način...)
- Pokretanje sajamskih aktivnosti, kulturnih i sportskih događanja, aktivnosti na otvorenom, festival sela...

NVO WIGWAM

Društvo prijatelja kulturnih i prirodnih vrijednosti - Wigwam

M. Tita 38 d. Sarajevo BiH

Tel- 033 221-410; Fax 033 221 430,

e-mail: wigwam@wigwam.ba

web: www.wigwam.ba